


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 53 || No. 11

November, 2017



Editor: Rev. Stephen Chinzathang

Synod Kumpuon: **“Ga ding a tel ihi”** (John. 15:16)

Khristian Tangkou

Vol. No. 53 || Issue No. 11 || November, 2017

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Mangsuanthang
- **Moderator Elect:**
Rev. Awnkhankhup
- **Secretary (Sr):**
Upa Sianzahau
- **Secretary (Jr):**
Upa Thangchinmang
- **Treasurer:**
Upa Chinsuanthang
- **Statistician:**
Upa S. Nangkhanlal
- **Executive Secretaries:**
Rev. Stephen Chinzathang
Rev. Khamchinkhai

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom 03
- Christianity 06
- Bible Study 11
- Thuohna khu guolzawlina ahi 13
- Anntangham suizuina 15
- October ha sung Sawm-a-khat 15
- Jesu umna mun zousie 19
- Pasion min khuo suong za vai 20
- Kipah thugenna & ZPWF Cumlumn... 22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

TAHSA GALDÖU A SAWT TALUÖ TA

Pasian Hattuum leh Pawlpi sung ah tahsa a vaihawmna, Pasian thu a ding hingal ki dehtuona kikan-kuotna a sawt taluota hi.

Pasian Gam leh Tahsa gam vaihawmna leh Pasian gam vaihawmna hingal a Tahsa/Khovel pei dan a pei chi thu gelkhawm talei a ut huoi hi. Hattuum kichi Volume masa ah a kigenta hi. Tua ahilai in tunia i gen nuom pen ahileh Pasian gam leh Pasian hina (the essence of God) thei chet tah un kasa hi. Pasian hina leh Pasian Hattuumten i bawl ding uh bawl talei tuate bang tobangte adiei, what do God want me to do as a believer in Christ Jesu Khrist Mang leh Hundampa a na pom tahleh Mangpa lungsim hol khu nang nasep ding hilou ama, Pasian deilamte khu bang tobangte adieile?

Mt. 22:37-39. Jesun a kungah Mangpa na Pasian khu na lungtang zousie, na hagau zousie in tualeh na lungsim zousie in, na it ding ahi. (38) Tami thupieh masa leh lienpen ahi (39) Ani na khu tambang ma ahi a, Nangma na ki-it bang in na innvengte it in. Tam dan thupieh tegel tungah dan thu leh guolneite thu zousie a kikkaikhawm sieng ahi hi.

I. Pasian Hattuum leh gingtute bawl ding “Mt. 22:37-39: “Na lungtang zousie in.....” a chi khu Hattuumten Pasian kung ah i bawl masah pen ding in ka thei hi. Pasian mi, Pasian a pienthana, Pasian a hinna hoitah neite a ding a lungtang zousie a Pasian thu a hin,

Pasian khu belpen leh gingu na hina a na kibulphuna ahiding khu a masapen ahi.

Pasian leh Pasian thu leh ginna lampi puitu hoipen khu Bible leh Khristiante kizilsahna thuginte khu ahi. Tua ahilai in tulai gingu kichi khenkhatten khovel pei dan Hattuum leh pawlpi sung ah hing polut in ginna subua leh tahsa a kideh tuate a hing pieng thei in zong ga (fruit) hoilou tah mimal kihutna leh kimudanate a piengsa thei hi.

II. Na Hagau zousie Mt. 22:37-39: Pasian Biehna ah Pasian Hagau toh kipawl lou a Pasian Hagau Siengthou in a puilou Pasian Hagau Siengthou in a sukhah lou (Conviction) apiehlou gingu pen buoina lou ding a buoi in, khovel silte, tahsa silte toh Hattuum Pasian puilou a suoh sah zel hi. Pasian khu Hagau ahia, Hagau toh Bieh ding ahi. Pasian pen buoina panglou ahizie in Pasian puina leh Pasian thu a hindan hoitah gasuo sahna ding a pan lah ding ahi.

III. “Lungsim zousie” Mt. 22:37-39: Lungsim zousie a Pasian beloute gingu a keniem sah a tualeh ngaisah lou dingte ah buoi uhi. Lungsim zousie a Pasian belouten Pasian biehna ah a ginna uh a suniem a, gingu Pasian sanga lungsim pieh dohna sil tuomtuom a um thei hi.

Lungsim zousie a Pasian belou i hi chiengleh lungsim chitahlou lungsim siengthoulou leh eima lam a Pasian puina panglou lungsim zousie piehna lungtang neilou gingu atamta a tuachin eima tahsa galdouna pat a pawtdoh ding a kul mamata hi. Tam Laisiengthou Mt. 22:37-39 in eite a hing zilsah ut ahileh Pasian a Pasian pie in len khovel a khovel pie in tuachin Pasian a gingu lungsim kisiemphatna hoitah nei in Mangpa Jesu hing pei kia ding thanuom tah in ngah va ui.

.....



Thu tuomtuom leh Thumpi dingte

01. Pasion in Hattuum china ami siengthoute thumna hing dawng in Synod huongsung pumpi a District lieng a kum chin a i na nei zel uh kum sim khawmpite PYF, PWF leh PATE Khawmpi October hasung in zang zouta uhi. Tam bang a hing kem a, hing mapuitu Mangpa kung ah lungdamthu gen kawm in Ama thupina zousie i pie uhi.
02. Synod Year Planner umsa bang in November hasung a NIPOIMAW umte tam anei a bang ahi.
 - (i) Presbytery chin kum sim khawmpi November 03-05, 2017
 - (ii) Synod kum sim khawmpi November 30 - December 03, 2017
03. Zou Nampi Thumkhawmna: Dated 13th October 2017 ni in Zougaal Hall ah kumteng a ana kizang zel a 17 vei ZOU NAMPI thumkhawmna lohtah leh ulsuntah in Pasion kunga ngaidam ngetna leh suol thupha tawina in hun kizang zouta, khumnah Zou sung a Biehna tuomtuom a Pastor umten thumna mapui uhi. Thupi: "Pasion Guolzawl Nam" (I Peter 2:9)
04. Dated 15th October 2017 (Pasianni) pen North East India Christian Council te saina in thumkhawmna hun in akizang hi. Tuohkhawm pen Office ah ki submit chiet hi. Thumpi ding a poimaw NEICC Project: Union Christian College leh Higher Sec. School a sem Sangsyete leh Sangnaupangte a din thumsah zing va ui.

2017 | November | Khristian Tangkou

05. USA Atlanta P/C khopi a ZPCS mi leh sate enkawl leh kem a um unaupa Khaiminthang leh a innsung mite a din bang hun ah zong thumsah zing va ui.
06. Finance Campaign: Dated 13th September 2017 nia Synod Finance Committee thuphasah dungzui in October 10-14, 2017 sung in khopi sung huop a Lentang District, Central District leh Lamka District sung a Hattuum poimaw asahna mun te uah Rev. C. Zorammawia Mizoram Partnership Consultant toh kithuo in Finance Campaign nei uhi.
07. Presbyterian Youth Fellowship 22nd Biennial Conference 20th-22nd October 2017 sung in Mission Vengthlang, Aizawl ah Thupi - More than Conqueror's (Rome 8:37) na man zaw ahita hi. Ei ZPYF apat in delegates 40 ava ki kalsuon a, Choir ten laa 2 a va sa uhi. Tv. Sumpi in Variety show ah Guitar tumna va lah khie a, Variety Programme ah P/Pastor Khupsienlal zong puitu in pang hi. Rev. Khamchinkhai Executive Secretary Leader PYF in Khawmpi mapui in 22 Nipini nitah in Valedictory Sermon/vaihah thugenna nei in khawmpi vaiguon khahna Rev. Retd. K. Lungmuana in nei hi. Leader tha Rev. David L. Chonlu CHT Synod. Delegates mi 503. 2018 October hasung in Youth Camp Meitei Synod a um ding a 2019 23rd Biennial CHT Synod ah um ding hi.
08. Dated 25th-26th October 2017 sung Rongkimi Presbyterian Church Diphu Assam ah Presbyterian Women Fellowship (PCI) Consultation kinei hi. Thupi: "Behold for change" Preacher: Rev. Rolianthanga Lalsim Administrative Secretary i/c PWF Resource Person: Rev. Dr. P.B.M. Basaiawmoit Chairman Peace & Justice Committee (PCI) ZPWF apat in palai mi 4 vatel thei uhi.

09. Presbyterian Church of India te saina in October 27-29, 2017 sung dai in Mawkhar Presbyterian Church KJP Synod Sepngi ah "Celebration of 500th years of Reformation nei uhi. Khum nah ei Synod apat in palai hunkhop va tel thei hi.
10. Dated October 25 leh November 01, 2017 niin a (11) veina Nenevi Prayer team te saina in ZPCS Lailam Veng leh EOC Biehinn Hmuia Veng ah anngol thumna nei uhi. Motto: Nangma na mite akipah theina ding un na hing suhal kia sih ding ama? Thumna ktok pang chiet vaui.
11. Synod Year Planner dungzui in Hattuum chin in piching leh Naupanglam (Sunday School) kumtawp examna dated 29th October 2017 Pasian ni nukhie pen ah nei zouta uhi. Answer paper pen Head Office ah submit 10th November tan a submit thei ding ahi.
12. Synod Minute Bu a i mu bang un 31st October - 24th November 2017 sung Synod Office ah Branches Committee um ding hi.
13. I thei lou kal un kum khat a i kinapna uh Khristmas hui hing laang panta a, Hattuum chin in Pasian hagau pawlna i tan theina ding lam tuomtuom ah kisakhok chiet va ui.
14. Labupi sut zaw leh zuoh ahi koi tobang a dei ten ZPCS Office a lei thei zing ahi.
15. **Zou Gaal** (1917-1919) Centenary Lopna: Pasian hoina leh umpina muongkawm in United Zou Organisation te panlah na toh ang tung ding December ha sung Behieng khopi ah **Zou gaal** kum 100 achinna Centenary (1917-2017) lopna leh Zogaal lai a shite haan (Cemetery) suongphumhonna toh nei ding uhi. Tualeh mipi kisuh halna ding in Zogaal shiel theizingna ding in Volley ball leh Foot ball Tournament zong Conduct uhi. Hattuum chin mimal chin in i thumna uah thei chiet vaui.

CHRISTIANITY

- Rev. Zamlianpau
Lamka District Bieltu.

Herod shinua in Galili gam Nazareth khuo ah Joseph te innkuon ang pem lut kiata uhi. Tuana pan Jesu hing khanglien in ministries pan in nuazui tampi a hing neita a, tua nuazui mite khu midang ten Khristian chin amin vaw in a hanta uhi.

“Khristian” khu bang genna e?

Khristian kichi thu kammal khu Bible mun 3 mai a muthei hi

1) Nasepte 11:26

2) Nasepte 26:28 leh

3) I Peter 4:16. Greek kammal in “Khristianos” khu Khrist nuazuite china ahi. “Khrist” khu bang genna adiei? “Khrist” chi umzie khu “Messiah/Thaunu genna ahi. Khristian kichi pen Jesu Character Jesu lifestyles Jesu thupiehte zuite khu Khristian na kichi hi.

Thuhunlui hunin Pasian khu Ami Israelte kung a Lamkaite leh guolneite kung a na kilang zel a tuachin amin (Pasian min) agen zel hi. **“KEIMA KHU KEIMA”** ka hi (Pawt. 3:14-15). Tam Keima khu Keima kahi chipa khu Thuhun tha Jesu ama ahidan akigen hi. Jesun kei khu Abraham pien masang a um zou kahi tabou hi achi hi. **‘Keima’** chi khu Yahweh genna ahi.

Tam anei a bang in **“Keima”** ki chi Pasian khu sui vai.

1. John 4:26. **“Kei khu Messiah kahi”** (Khrist) Mt. 26:13,14; Mt. 14:61,62; Jn. 8:24.
2. John 6:35 **“Keima khu hinna tanghou khu kahi”** Jn. 6:48,51.
3. John 8:12 **“Kei khu khovel vah ka hi”** Jn. 1:4; 9:5; 12:35
4. John 8:23 **“Kei khu tunglam mi kahi a, tam khovel mi kahi sih”** Jn. 3:3; 17:14

5. Johan 10:7 **“Kei Belam te tunkot khu ka hi”** Jer. 23:1-2; Ezek. 34:2.
6. Johan 10:9 **“Kei khu kot khah kahi”**
7. Johan 10:11,14 **“Kei khu Belam ching pa hoi khu kahi”** Isai 10:11; Ezek 34:11-16, I Pet.13:20; Heb. 5:41; Kih. 7:17, I Jn. 3:16; Jn. 15:13
8. Johan 11:25 **“Kei khu thawkiana leh hinna kahi”** Jn. 1:4; 5:26; 14:6; 3:36.
9. Johan 14:6. **“Kei lampi, Thutah leh hinna ka hi”** Jn. 10:9; 8:32:1:4; 11:25.
10. Johan 15:1 **“Kei Grape gui ka hi”** Isai 1-7; Ezek. 19:10

Bible in Jesu Title teng a tahlang

1. “Immanuel” (Pasian toh umkhawm) Mt. 1:23; Isai 7:14.
2. “Lamdangpa, Thumoppa, Bangkimbawlthei Pasian, kumtawnpa, Lemna Mang” Isai 9:6.
3. “Messiah” Heb. Thaunu china (Dan. 9:25)
4. “Abraham tapa, David tapa Jesu Khrist” (Mt. 1:1).
5. “Khrist” Greek Christos (Mt. 1:16).
6. “Mangpa” Greek Kyrious/Master (Mt. 3:3)
7. “Mihing tapa” Dan. 7:13, Mt. 8:20
8. “Tungnung pen tapa” Luk 1:32
9. “Jesu” (Uehosha in Heb.) Luke 2:21
10. “Pasian tapa” Luk 4:3
11. “Thu” (The word) John. 1:1; 14
12. “Belampu hoi” Jn. 10:11
13. “Lampi thutah leh hinna” Jn. 14:16
14. “Rabboni” (Syepa) Jn. 10:16
15. Jesu Khrist khu Mangpa (Jehovah china ahi) Phi. 2:11
16. Leengte Leeng, Mangte Mang Rev. 19:16

JESU TUNGTANG MA GENNA LEH SUHBUCHINNA

- Guolnei thuphuon-----Thuhun Lui-----Thuhun Tha
1. Mangpa lampi bawl un-----Isai 40:3-4 ----- Lk. 3:2-5
 2. Thangkoupa Mangpa Jesu masang a -----Mala 3:1----- Lk. 7:24-27
 3. Guolnei khu a tungdoh ding hi-----Danp. 18:15----- Nas.3:20-22
 4. Pasion tapa hina ki phuonna-----Ps. 27----- Mt. 3:13-17
 5. A nasep patna khu Galili -----Isai 9:1-2----- Mt. 4:12-16
 6. Mangpa Jesu in Gente thu a zah ding dan-----Ps. 78:1-2----- Mt. 13:34-35
 7. Jesu lungtang hasete, saltangte leh mitto sudam ding--Isai 61:1-3 ----- Lk. 4:17-21
 8. Melkizedek Siempu lien bang Khrist-----Ps. 110:1-4 ----- Heb. 5:5-6
 9. Azie neilou mudana -----Ps. 35:19----- Jn. 15:24
 10. Nualna leh gintatlouna-----Isai. 53:1-4 ----- Jn. 1:11-12
 11. Thupi tah a Jerusalem lut ding thu-----Zacha. 9:9----- Mt. 11:7-11
 12. Naupangte patatna thu -----Ps. 8:1-2 ----- Mt. 21:15-16
 13. Messiah khu paimang ding thu-----Dan. 9:25-27 ---- Jn. 11:49-52

JESU PIEN DING THU

GUOLNEITE MAGEN LOHNA LEH SUHBUCHINNA

- Thuphuon-----Thuhun Lui-----Thuhun Tha
1. Numei suon apat-----Siem. 3:14-15-----Gal. 4:4
 2. Juda Nam apat-----Siem. 49:10 -----Lk. 3:33
 3. Abraham Isak leh Jacob suon apat ---Siem. 12:3; 17:17-19 --Mt. 1:1-2;16
 4. David Leeng toupha apat-----Isai 9:6-7 -----Lk. 1:32
 5. Thaunu leh tangtawn in -----Ps. 45:6-7-----Heb. 1:8-10
 6. Jesu Bethlehem a pien ding thu -----Mika 5:2-----Lk. 2:4-7
 7. Jesu pien hun-----Dan. 9:24-25-----Lk. 2:1-5
 8. Jesu naungeh siengthou pien ding thu Isai 7:13-14 -----Lk. 1:26-28
 9. Lusun kana leh naungeh kithana -----Jere. 31:15 -----Mt. 2:16-18
 10. Egypt gam tai ding thu-----Hosia 11:1 -----Mt. 2:13-15

KHRISTIANTE THUGIN

1. **BIBLE (Laisiengthou):** Laisiengthou, Thuhun lui bu 39 leh Thuhun tha bu 27 agawm a bu 66 a bawn a Pasion thu kigiel umsun, Pasion kilahna bukim, kilahna dang ngai nawn lou, Pasion huha khum a pieh, a ki gielna masa adihlou umlou, pom ding leh gamtatna dinga kibulphuna leh doh ding thutawp, paimang leh behlap ngailou, zuiding um sun ahi (2 Tim. 3:16-17; 1 Pet. 1:23; 2Pet. 1:20-21; 2Sam. 22:1; Mt. 5:17-18; Mt. 4:4; Isai. 45:19; 1:2; Thupil. 30:5-6; Heb. 4:12; Jn. 6:63-68, Kih. 22:18-19).
2. **PASIAN:** Pasion dih leh hing, tangtawn a um gige khat mai a um (Jer. 10:10; Danp. 6:4). Pasion khat ah mithum, Pa, Tapa leh Hagau siengthou kigawm a pumkhat, pienzie, hina kikim silbawltheina, thuneina leh hina kikim a um uhi (Siem. 1:1; 26-28;; Mt. 28:19; Lk. 3:21-22; Ps. 139:8; 1 Kor. 8:6; 2 Kor. 13:14; Isai 6:8; Kih. 19:10). Pasion khat a mi thum pumkhat ahizie in Thuhun lui hun hi in Thuhun tha hun hinanleh Pa, Tapa leh Hagau siengthou in semkhawm ahi. Pasion **“PA”** sepna ah zong Tapa leh Hagau siengthou apang ua, Tapa (Pasion) sepna ah Pa leh Hagau siengthou apang ua, Hagau siengthou (Pasion) sepna ah zong Pa leh Tapa zong apang veve hi (Jn. 5:19-29; Siem. 1:1; 26-28).
- a) **Pa Pasion:** Pa Pasion, sil zousie siempa leh kempa (enkolpa) itna Pasion ahi (Siem. 1 &; Ps. 103:19; Job. 1:6, Rom 11:33). Pa Pasion - Tawpneilou (1 Lengte 8:27; Nasepte 17:28). Tangtawn pa (Siem. 21:33; Ps. 90:2) kiheng ngailou/angaingai (Jacob 1:17). Munchina um (Ps. 139:7-12). Thuneina sangpen tawi (Eph. 1:18) Bangkim theisuoh Mt. 11:21). Bangkim neitu (Kih. 19:6) Dihtah (Nasepte 17:31). Itna (Eph. 2:4-5). Thutah (Jn. 14:6) Siengthou ahi (1 Jn. 1:5).

- b) Tapa Pasian:** Jesu Khrist, Pasian ahi (Jn. 1:1-3, 14:18, Phil. 2:6-12). Jesu Khrist, nungah siengthou Mari sunga Hagau siengthou vopsah in mihing in hing pieng hi (Mt. 1:18-35; Jn. 1:1-3; 14:18). Mihing teng tatna dingin ashi, mi tengteng hundampa ahi (I Kor. 15:1-4; Philp. 2:5-11). Han a kivui a, ni thumni in mishite lah a pat in Pa Pasian in akaithou hi (Mt. 28:1ff). Van tunga, gintute gensahtu in um, tahsa ngei mu thei in hing pei kia ding (Nas. 1:10-11; Lk. 24:50-51; Mk. 16:19) mishi leh mihingte vaihawmsah dingin hing pei kia ding hi (I Tim. 4:10; Rom. 14:9-12).

Tapa Pasian Mang ahi (Mt. 22:43-45). Kumpite kumpi leh Mangte Mangpa ahi (Kih. 19:16) bangkim neitu (Mt. 28:18) bangkim theitu (Jn. 1:48) munteng a umsuoh (Mt. 18:20) hinna (Jn. 1:4). Thutah (Jn. 14:5) kiheng ngailou angai ngai (Heb. 13:8) Pa Pasian leh Hagau siengthou Pasian toh kikim ahi (Jn. 14:23; 10:30; Mt. 28:19).

- c) Hagau siengthou Pasian:** Hagau siengthou Pasian tahtah (Nas. 5:34) hinna pie leh hamuontu ahi (2Kor. 3:6; Jn. 14:16, 26-27; 15:26; 16:7-11). A kigielsa (Bible) Pasian thu zang a i khelna kiphawhsahtu, kimusahtu, siengthousah, mihingte dinmun musahtu, lamkai leh lungsung luodimtu ahi (Jn. 3:5-7; 16:13-15; Jn. 14:16; I Kor. 12:13; Eph. 5:18).

Hagau siengthou Pasian bangkim thei (I Kor. 2:10-11) munteng a umtu (Ps. 139:7) bangkim bawlthei (Siem. 1:2) Thutah (I Jn. 5:6) siengthou (Lk. 11:13) Hinna (Rom. 8:2) Pilna (Isai 40:13) Pa Pasian leh Tapa Pasian toh kikim ahisih leh kibang a semkhawm ahi hi (Nas. 5:3-4; Mt. 28:19; I Kor. 13-14).

.....

Bible Study

- Upa Chinsuanhang, Tangpijöl

Grape gui leh a bah galou (Johan 15:1-7 i sepguol thupi uh Ga ding a tel ihi chi thei kawm in Bible study bawl lei ichi hi.

Thumapui: Johan 15:1-7 sung ah Jesu Grape gui toh kitech kah in tekhinthu a gen ahi. tami hi Israel-te ginna neilou, thumangloute kawh a, a gen ahi (Ps. 80:8-19). Israel-te khu grape gui dihtah ahina uh aman suo uh a, ama ah umlou, zop loute a ding a agen ahi. Israelte khu Grape gui hawm ama ua ding bep a kisiem doh (Hos. 10:1,2) Grape a lem aga doh (Is. 5:1-7). Jentel-te bukimna a tun masangsie Israelte khu mittotna nei ahi uh (Rom. 11:25) tu hisam vang in mimal in a pom um ma nan uleh zong Israel ten Jesu Khrist hi a pom sih ua, a gasuo thei tahtah lou uh ahi. Jn. 15: na in a kawh leh agen noppen khu, Israelten Jesu a pawm lou na uh ahi. Hattuumten kingaituona inei ding/iman ding uh ahi Jn. 15:na thu hi Jesun agen lai in, gingtute zousie khu Pentecost ni a Hagau siengthou hing tun suh nitan a tahsa a dam zing na uh chi hi mangngillou ding ahi Hattuum te ama ah um zingte khu gasuoh ding ahi uh (Jn. 14:20). Hattuumte a dingin Jesu khu grape guipi ahi sih a, Hattuum te lutang ahizaw hi (Eph. 5:23; Jn. 15:1-6) sung ahi hi. Jesun ama nuazui Judate, Van a akatou zou nua chieng dong a dingin Ama a um zing a kizoppi ding dan uh ngai poimaw in tekhin thu agen ahi.

Tam thu agen lai in Hattuum kichi um nai lou tua leh tam tekhin thu ah Jesu khu grape gui ahi sih a, pa zong a huon neipa zong ahi sih hi. Gingtute zong grape gui/ba ahisih ua sattan a meikuo sung a pailut ding china zong ahi sih hi. Tami laisengthou bung in a huom leh agennop pen khu Jesu leh mipiengthate hilou in Jesu leh Israelte kal thu agenna ahi zaw hi. Jesu leh Israelte kal thu kipawlkhawmna

fellowship lam leh kizopna lam thu Jesun agenchien nuom zieh a atheitheina ding ua agen ahizaw hi.

Tulai Hattuumte a dinga/pieng thate gasuo leh gasuolou lam thu kawh a, agen ahi zaw hi. Piengtha gasuo dingte khu Ama ah um zingte ahi (Joh. 15:4,5,7). Ama a um zing chi hi a kawh pen khu Pasian thu dungzui a um zing a, Ama pawl gige zingte ahi. Khrist a akithuom ding (Rom. 13:14). Hagau pui a um ding (Gal. 6:16). Hagau a din ding (Eph. 5:18), vah a um ding ahi.

You did not choose me, but I chose you and appointed you that you should go and bear fruit and that your fruit should remain that what ever you ask the father in my name he may give you.

Tua ahiman in angtel pan nasem ding a ang guot eite ama a i um zing ua ahileh gasuo ding, angtel pa a ding a tel thaman um ding ama a i um sih uleh ang tel pa a ding a tel thaman um lou ding leh gasuo lou ding ihi uhi. Pasian in hing guolzawl taken.

Theisahna

PCI apat lai kimu dungzui in “Sword” kichi Laisiengthou ngaikhiet theina, laa, Sermon khum thei ban ah FM Radio ngaitheina ding PCI apat lei thei ding um ahiziehin adeiten Office ah hing theisah ding in i kitheisah uhi. Tualeh tam Sword khu Rs. 2,500/- aman ding a, sum kimute “Thomas Jones -I House of Prayer inn lamna a zah ahi ding hi.

Tuaziehin Hattuum chin in Biehin ah puong chiet a, mimal a lei ut a um leh hing theisah chiet ding in i kitheisah uhi.

THUOHNA KHI GUOLZAWLNA AHI

Taangtel: Jacob 1:12; Heb. 12:5-6

- By Evan. Retd Upa Chinthong,
Tongdam.

Mihingten khovel a i deilou pen uh lungkham, mangbat ahia, hinanleh ei a dia silphatuom ahizaw mihingten beidongna leh hahsatna ithuoh zing di uh pen Pasian siltup ahisia hinanleh ihoina din ahizaw, aziehpén gentheina, atampouleh guolzawlina atam a genthei naleh hahsatnaten Kumtawna din hasatna angsiem sah, gentheina khu mithupite sulawchingtu ahia, lungngai mittui potna khu zilna School hoipen ahi. Khovel a gentheina sangpen khu gentheina himhim neiloute ahi. Kizilna ding a School hoipen khu Humpi bahkai kulsung leh meikuong tah ahi. Danial in Lalgam sung a vaihawmtu lienpen bana ahina ding a training na mun khu Humpi bahkai kulsung ahi. Pawl in lekha thot bangza ama agiel dohna din Pasian in Suongkul sung ah akhum a, Joseph zong Igupta Prime Minister ahima in Suongkul sung ah lungkham mangbatna tamtah athuoh, mithupite lah a khenkhat gentheina tamtah anathuoh muolsuote ahi uh. Lungkhamna kipatna in azui a buoina zong lemna in azui gentheina khu mihingte supichingte ahizaw a, gentheina umlou ah lawchinna aum theisih, Kross umlou in Manglukhu aumthei sih, Beidonna umlou in panpitu aumthei sia, mihingte beidonna tawpna khu Pasian hun lemchang ahi. Sia sam-eh akai chia mei a ihal leh sia hoilou pen zong sia hoipen asuoh bang in gentheina in hinkhuo a siem hoi a sildang tengteng sang in i lungkham buoinaten Mangpa melhoina suong zaw kipahna leh nopna toh ka zawhkhawm a, lamtung tawn in ka nuinui ua hinanleh atawp ah ama apat zildoh ding kanei sih. Gentheina leh hahsatna toh kazawhkhawm a asip dildel a, hinanleh atawp katun in ama apat zildoh ding tampi anei hi.

Laphuohtun keinin vaiduoina a kanruot a hmangaina lantirtu, mahse lungngai mangan thlafan buoina lawmna asiam tazawk, hmangaih Pathian anisi chi bangin lungkham mangbat gentheitah a i um a ithuohnate sang in Mangpa silbawltheina athupizaw. Mihingte beidonna leh hasatna khu Pasion lungsietna atun theina dinga mun umsun ahi. Khuo ahamial pouleh Ahsi akilah deudeu bang in Pasion taten gentheina athuoh tam pouleh Jesu melhoina kilang deudeu. Noah in Tuisang letlouna din angensia Tuisang lientunga lendan azilsiem. Sil umdan theisiem theina chabi khu silhoi lou ahia, tuaziehin gentheina beidawn ichite khu Vitamin 10 Complex ahi. Naupang piengsuol hatla mama ten apa hatna suonga alawmte achou ngam bang in Pasion hatna suonga khovel izawding uh ahi.

Vangsietna i chite Pasion silbawltheina kilahna ding ahizaw

1. John 9:4. Tampa mittosa apien khu anu leh apa suhkhiel zieh ahisih a, ama suhkhiel zong ahisia Pasion silbawltheina kipuonna ding ahizaw.
2. Israelte Tuipi san panga Pharo Sepoy te toh abuai vengvung lai un Pasion akinawsih, asilbawltheina Tuipi san akansah khovel mite amusah nop zieh ahi.
3. Lazar damlou endia ahat lai a pei lou a ashizaw ni 4 achin nung a apei pan bang zieh e, asilbawltheina mishi akaithou leitung mite amusah nawpzieh ahi.
4. Phi. 1:12-13. Sawltah Paul Suongkul atan ziehin Praitorium Sepoy te kung a tanchinpha ahil thei.
5. II Kor. 12:7 Ka lungsietna khu nanga din ahun hi ka silbawltheina khu hatlouna kasuh bukim ahizaw.
6. Siem. 45:5 Kanaan gam kieltun ding Mangpan athei zieh a noute vahdia Aigupta a angawl ahi.

.....

Numeiten Anntang Ham (handful of rice) Tungtawn a MANGGAM NNA ASEPNA UH THUPIDAN SUINA

- Rev. Dr. Hangpi Manlun

1). Thumapui:

Anntang ham khu Numeite a ding a Manggam nnasepna poimaw tah khat ahi hi. Anntang ham hing kipat dan chiengtahin theichet sih nan lei Khasi gamah khun kum 1906-laiin, halthana loupitah mai a tung hi. Tualaitahin, meithai genthei mama khat a um a, amanu khun hattuumte a ding a bangma pieh ding a neilou ziehin, alungsim a gim mama hi. Miten Pasian kung a silpiehte uh amuchieng in a lungsim a nathei mama a, bangchi bangin ken zong silpieh ka pethei diei le? chiiin angaitua lai in, tambangin angaitua kheta hi. Ann a huon chinin anntang khu a khutdim khat a hamkhiette khu a koi hoi a, hakhat velnua chiengin, tua a anntang khawlkhawmte khu bazar ah ang zuoh zelzel hi. Tuachin, a sum mute khu biehinn ah angtoi zelzel hi. Tambang a meithainu nnasep khu a hattuum mite khun ang theita ua, amauten, zong hoi asachiet mama ua, tuachin ang kithangta a, amanu bawldan khu miten ang entonta uhi.

2). Unau Mizoram hattuumten anntang ham ana bawldan uh:

Tami anntang ham nnasepna khu Mizoramten zong ang thei tah un, hoi-le- zuitah asata uhi. Mizoram Presbyterian Hattuum in, 1913-1914 khun anntang ham dawn ang panta ua, tami kumte in anntangham man in thawlom Rs.80/- (Sawm giet), vel a khawn khawm ngetngut sam uhi. Tualeh, kum 1919-laiin, "Anntangham apatin Sawлтаhte chawm hiheh," a chitheita uhi. Tuabangma in, kum 1918 apatin, 'Mizoram Baptist Hattuum' in ang chingpanta uhi. Ahin eigam ah khun bangchi kum a hing kipan e chi chiengtah in theichien ahamsa hi. Ahin, hattuum ang din chil a kipatin eiten zong i na chingpanta uh chipen i manghil lou ding uh ahi.

Tami anntang ham nnasepna khu Rev. Vanlalngaka in, Canada gam a, a thugenna a report apieh leh, pasal khat (truck driver) lungtang a khoi mama ahingei ding a, tuachin, aman zong a sum US dollar 5,000/- khu anntang ham tang a pomsah ding in a pie hi. Mundang ah ahileh eigam bang in min ann/bu ahaneh senglou ziehun, eite bawl bangbang in a kibawl thei seng sih hi.

3). Anntang ham bel khu i innsung ua Mangpa satan umsun ahi hi.

Nute khu mite bangin Manggam nnasem ding in kuonzou sih nan u'leh zong, ann huon inn ah tami anntang ham tungtonin, Manggam nnasem in pan analahtheina uh ahi hi. Tuabanah, i innsungte uah um-le-belte tam tahte a um lemlum a, ahin, anntang ham bel (koina) khu Mangpa a ding a i innsung ua i belkoi uh umsun ahiziehin, aloupi mama hi. “.. Silzousie nangma a hing kipandoh ngen ahi a, Nangma Ama ka hing pieh kia uh ahibou hi” (I Chro. 29:14), achi uhi. Zingchin leh nitah chin a, anntang ham koi ding manghil ngailou mi khun, Mangpa Jesu zong amanghil sih uh china zong ahi hi. Tuabang, mite khu Mangpa Jesu ngei in zong nehding tahding theilou a mangbat nite un, amanghil sih ding i chi ngam uhi. Mangpa Jesu khun, “Hing itte khu ken zong ka it ding” a chi hi. Lungsim leh chitah zet a Mangpa Jesu ann nekhawmpi ut a, anntangham koite khu innkuon maitam dinna chi khat zong ahilam i manghil sih ding uhi.

4). Anntang ham khu sum nah hoitah khat ahi hi.

Tu-le-tu dinmunin, unau Mizoram Presbyterian Church Synod sung ah anntang ham a, a summute uh khun a Pastorte law (pay) a chingzou hi achi uhi. Tualeh, *Forerunner*, October, issue, 2017, in a tahlat dan in, Mizoram a hattuumte khun, tu-le-tuin, anntangham in kum chinin, Rs.17 crore (US \$. 2.5 million) amuzou va-ia uhi. Tualeh, Mizoram Synodte maimai in zong kum chin in anntang 5 million kgs kum chin in a dong dawhzou uhi.

Tualeh, kum 2004, laivelin, unau ‘Bieteram Synod’ ten sawmakhat a, Rs.7,00,000/- (Lakh sagi) vel amulai un, anntang ham a mu uh khu,

Rs.5,00,000/- (Lakh nga) vel amu uhi. Tamte a kipatin anntangham khun, min sum nah hoitah in a zahdante uh i mu uhi. Ahin, eite lah ah ahileh i tam mu zou tahtah sih uhi.

Anntang ham i hamdante khu zietlang, veilam, missionary leh ann ngawl thumpawl, 'Jeremiah Prayer Team' (JPT) leh adangdangte ahi hi. Tualeh, mun khen khat ah khun Nuten ann ahuon chin un, Jesu huonkep vang chiin atuom koi ua, a khente ngelin ahikia leh lah Jesun zong ann nehpi ding in, lawmkhat hingpui thei ding chiin alawmpa ding nangawn zong ahuon kep dan a kingai in a koi uhi.

Tualeh, i gam uah anntang ham zong kituptahin i bawlthei ua zong nasatahin i phattuompi mama uhi. Tusang a kitupzaw leh a tam semtheina ding pan nasatah a i lahtou zel u'khu adiehin, Numeite (PWF) khut ah a kinga mama hi.

5). Ngaidan kupna (suggestionte):

- i) Awle, atung a i gente uh bangin eiten bawlzou sih nanlei zong tusang a nasazaw sem a pan i lahdang uh khu i mawpuohna uh ahi chi i gen nuom masa hi.
- ii) Atamzawte khun ann huon chin a tuom koi seselou in, a dongte ang pei chieng ua, ngap zaza na hammai mawhsangin, i koi ding zaza khu i annhuon chin un, atung a 'Mangpa satan i bel' sung mama uah koi lei athupi dieh ding in kagingta hi.
- iii) Tualeh atom atamta in zong i huon leh neh penpen ma koivateh lei ahoi dieh ding hi. I nehtuom, i koituom chite bang aumkhah leh ahoipen sih ding hi. Ei dulou leh nehnuom loupi khat khu Mangpa a ding a, a koi kha i umleh ahoipen sih ding hi.
- iv) Atung a i gen ma bang un, Numeite mawpuoh ahiziehin, tusang a pun leh tamsemtheina ding in, dihtah a saifel a panlahtha angaitah zet ding hi. Mangpan simtute zousie hing guolzawl zingta hen aw!!!!

.....
.....

ZOU PRESBYTERIAN CHURCH SYNOD

October ha sung a Sawm-a-khat sungte - 2017

- | | |
|-------------------|---------------------|
| 1. L. Gangpimual | 22. Singngat |
| 2. Mualtam | 23. D. Phailian |
| 3. Central Church | 24. Kanaan Veng |
| 4. S. Vengnuam | 25. Khuoinuoi |
| 5. Lailam Veng | 26. Awnchinkap Khuo |
| 6. T. Zion | 27. Behiangjang |
| 7. Belpuon | 28. Aina |
| 8. Tuibuong | 29. Delhi |
| 9. LDCC Hiengzou | 30. V. Bethel |
| 10. Muallum | 31. Tangnuam |
| 11. Sugnu | 32. P. Salem |
| 12. T. Khajang | 33. Moreh-I |
| 13. Tongdam | 34. Mangjing |
| 14. Maukot | 35. Hiangtamjang |
| 15. Manniang Khuo | 36. PN. Khovong |
| 16. Teisaljang | 37. ZPC Chennai |
| 17. Paspati | 38. N. Khaukuol |
| 18. Nungshai | 39. Daijang |
| 19. Zomi Colony | 40. M. Kholmuol |
| 20. Hiangtam (K) | 41. Zoumun |
| 21. Saiboh | 42. Zoukhonuom |

JESU UMNA MUN ZOUSIE ANUOM

Danial 3:25na ah khun Sadrak, Meshak leh Abednego mi thumte pen mei asat ngaisanga ale sagi a sa a abawl hiel uh hinanleh Mang Jesu toh aum ziehun a nuom mai hi. A sam zang uh zong a kang sih a, a puonsilte akat lou mai hilou in meikhu gim zong nam lou hi. Asat dan la aseplutte nasan zong kangtum mai ahi ngal ua, Daniel 6na isim kia leh Danial humpi bahkai kul sunga aselutna imu kia hi. Hinanleh Mang Jesun aumpi ziehin Humpi kulsung ah zong nuom tah in aum hi. Rev. Lalngaisang thugen agensawwna uah khun Danial in Humpi tainem khu tangkhap in anei a, zan khovah in nuomtah in a ihmu hi chiin agen hiel ahi. A awm thou hi. La phuhtu in nang na um leh lei van a suoh zel chi a tamte khu ahimai hi. (Mt. 17:1-13) sung a mellamdanna tang ah khun Peter, Jacob, Johan ten zong nuom asa seng ua, Peter zong umden aut mai hi. Bawh zong khawden anuom mai uhi (Nas. 16:24-25) ah Philippi suongkul ah Paul leh Sila bang Mangpan aumpi ziehin suongkul sunggil lam tah ah akoi uhi. Hinanleh nuom asa taluo ua thum leh lasa kawm in Pasian aphot uhi Ps. 23:4 ah, “Shina liim guom zawt nanleng sil gilou himhim zau sih vang nang ka kungah na um ngala, David in achi hi. Leeng David ngei zong Mangpa akung a aum ziehin shina liim guom zawt nanleh nuom asa a, zaulou bawh ahi. Tam Bible chang pen Hospital a Major Operation ka kibawllai a ka hamuonna Bible chang zong ahi (I Kor. 3:16) ah khun nang leh kei zong Pasian tenna inn ihidan ang hil kia hi. Amun hizaw lou a eima ihi uhi. (I Sam. 4:1-11) na ah zong Israelte, Philistine-te kidouna ah zong Siempu Eli tate in Pasian umpi thei dinga hinkhuo a zah tahlou ziehun Pasian bawm zawng khe nan le uh Mangpan umpi lou Philistine-te azouta sih ua, tamtah ashilaw uhi. Mangpan ang umpina dinga pen eima Mangpa umpi utna

dinga i um angai hi. Siem. 39:2,3,21-23 na ah khun Joseph kung ah Mangpa aum zing a, Mangpa umpithei dinga aum zieh ahi. Vaihawmte bung 16:20na ah khun khumbanga mihatpa Samson khu Mangpan aumpi nawn sih a, ataisanta (Ps. 139:1-9) na ah khun Mangpan ang muzing a, Mangpa apat taimang na ding himhim zong umsih hi. Um hileh Jonah zong taimang ta ding ahi, Siemchilbu 39:9 na ah Joseph tanchin va enkia lei Mangpan aumpi zing a, Mangpan amu zing ahi chi amanghil sih hi. Pasian tunga silhoilou bawlthei ding ka hiei? achi mai hi. William Barclay in hichin agen a Mang Jesu um louna khu gotmun ahia, Mangpa Jesu umna khu Vangam ahi.

Courtesy: Muonna Ahshi
August. 2017 issue apat lahsawn.

PASIAN MIN KHU SUONG ZAW VAI...! **(Ps. 2:17).**

Pawtdohna 7:12 na ah khun Mosi in bang ma ki suonpi ding anei sih. Chiengkhut mai ahi anei. Hinanleh Mangpa'n tam chiengkhut zang in Pharo masang ah zong (17:6) suongpi a tuiopotna ding a zah pen zong chieng ma ahi. Mangpa'n azah (14:16). Tuipi san kanna dinga tam chiengma khu ahi Mangpa'n azah Pharoah in vang nei ahau hi. Sakol kangtalai, Sepai tamtah, Lalna, hauna, thupina neilou anei sih hi. Hinanleh Mosi khun Pasian in aumpi ziehin chiengkhut bep neipa in Pharoah leh a sepaite khu a zou hi. Mangpa Pasian neite bangkim nei ihi uhi. David in suongtang 5 lui dung ah a tom malam hi. Hinanleh Mangpan aumpi ziehin Goliath thana dingin suongtang khat bep a huntah hi. Mosi tanchin vagen kia talei Pawt. 2:3 ah khun Mosi khu Egypt gam sungah kum 40 sung Science & Technology siemna tuomtuom tamtah ana zil zou in ahing kisuongta hi. Kei chau ka hi ataihat pen, ahipen chia akingaituo laitahin tai in a sungpa belam kum 40 ava chingta hi. Belam ching kichipen niemtah leh kipha

lamtah a hinkhuo kum 40 sung a hun a zah sungpen hagau lam a dinga training alah hun ana hi. Leitung chitna, siemna, hinawntalou a hagau lama pilna leh theisiemna lam training ahing zah zou in “Mangpa kei bangma zong kahi sih” ahing chi doh a Pasian in amite puidoh din ang sawlkhie ahi. Niem tah dinmun a i um chiengin Mangpa Pasian in eima hing guolzawl in hing zang nuompan ahi Rev. H. P. Runremthang in “Aw Mangpa gilou ka hi hing nuasie in” chi’n Laa aphuhoh hi. Peter in zong “Mangpa gilou ka hi hing nuasie in” ana chi ahi. Lk. 5:8na ah i mu thei ahi. Mi’n Pasian amutah tah chiengin koima ama ang ah ching kisa aum ngai sih. Job in zong theina mai in kana thei a, tun kimaituo in ka muta kei leh kei ka ki kidah hi achi hi (Job 24:5-6).

Muonna Ahsi July 2017 issue apat lahsawn

.....

**Tu kum 2017 sung a Presbytery Khawmpi a
UPA A NAMDET THATE UH**

1. Upa M. Dongzalam, Zomi Colony (MGP)
2. Upa Lamkholal, Zomi Colony (MGP)
3. Upa Tungsuanpau, Lailamveng (MGP)
4. Upa Kamgenpau, Lailam Veng (MGP)
5. Upa Khamsuanlian, Lailam Veng (MGP)
6. Upa Zamkhanhang, Immanuel Khopi (MGP)
7. Upa Ginsuankhai, Tuining (MEP)
8. Upa Khupchinlam, Tuining (MEP)
9. Upa Tongkhomang, Teisaljang (MEP)
10. Upa P. Suankhohau, Buhsau (ZTP)
11. Upa Lunmang, Muollum (ZTP)
12. Upa Khamsonpau (Zoumunnuam/MGP) Re-Instate

ZPWF Column:

29th September, 2017 to 31st October, 2017 tan a

TUNNU LIMBEL PANPINA PETE

1. A. Thongkai, Muallum	Rs.	100
2. Rev. Zamlianpau, Lailamveng	Rs.	1,000
3. PWF L. Gangpimual	Rs.	394
4. Chinghauniang, Central Church	Rs.	100
5. PWF Gunpang District (Tuohkhawm)	Rs.	948
6. PWF Lamka District (Tuohkhawm)	Rs.	2,338
7. Mrs. Flora Hatnu, UK	Rs.	32,000
8. PWF Central District (Tuohkhawm)	Rs.	2,080
9. Miss Nemhoi, Tuilaphai	Rs.	100
10. PYF: Zotang, Singngat, Tuivai District (Tuohkhawm) ..	Rs.	1,876
11. Tv. Hauminlian, Mawngken	Rs.	1,000
12. Jacob Suankhanlian, Lailamveng	Rs.	3,000
13. Nu Zamneihat, Central Church	Rs.	100
14. Nu Chingneisian, Lailamveng	Rs.	500
15. Esther Chinnu, Mumbai	Rs.	14,000
16. PWF Maukot	Rs.	800
17. Nu S. Niangsuanching, Lailamveng	Rs.	1,000
18. Upanu Niangkhodim, Behiangjang	Rs.	500
19. Pa Mangsuanlian, P. Salem	Rs.	1,000
20. Imphal District (Tuohkhawm)	Rs.	1,205
21. PWF Central Church Anntang Kg. 84 &	Rs.	2,430
22. PWF Tuivai District (Tuohkhawm)	Rs.	781

Khristian Tangkou | November | 2017

23. PWF Gunpang District Tuohkhawm	Rs.	1,556
24. Pa Haukholal & Family, Kanan veng	Rs.	300
25. Tv. Velzagin, Central Church	Rs.	200
26. Pate, PWF, PYF Suolam District (Tuohkhawm)	Rs.	1,175
27. PWF Gangpimual te apat Anntang Kg. 50		
28. Douminsang Nu, T. Tangnuam apat Anjang Kg. 3		
29. Nu Chingboi NTBC, Tuibuang apat Mualvaiseh pum-5		
30. B. Lamkholian, Bethlehem veng Rengkai apat Anntang 1/2 bag khat (Half bag khat)		
31. PWF N. Khaukual te apat Anntang 1/2 bag khat (Half bag khat), maisan pum-5 leh maipuang pum-5		
32. PWF Lentang District (Tuohkhawm)	Rs.	1,893
33. Pu (L) Khupkhohau, Lailamveng	Rs.	5,000

ZPWF Tour Imphal (20/08/2017)

Imphal Hattuoimte apat Tunnu Limbel Ginna Thuchiem pete list

1. Upa Er. Thangchinmang	Rs.	2,000
2. Thonghoikim	Rs.	500
3. Kevin	Rs.	50
4. T. Mangkhanthang Zou	Rs.	100
5. Upa Nengkhanthang	Rs.	300
6. Khannieng	Rs.	100
7. Miss Esther	Rs.	50
8. Lamnu	Rs.	100
9. Kimkhonem	Rs.	50
10. Nemneilam	Rs.	50
11. Minthang	Rs.	100
12. Chiinhoiniang	Rs.	100

2017 | November | Khristian Tangkou

13. Deborah	Rs.	700
14. Rev. Khamchinkhai	Rs.	100
15. Upa Thangmuankhup	Rs.	500
16. Pa Kapsuanlun	Rs.	50
17. Lhunkholet Baite	Rs.	100
18. Upa Mangminthang	Rs.	100
19. Robert	Rs.	100
20. Nh. Chingdeinuam	Rs.	100
21. Lamching	Rs.	300
22. Upanu Chingngainiang	Rs.	500
23. Nu Chinlamnuam	Rs.	100
24. Nu Donzahat	Rs.	100
25. Manzaniang	Rs.	100
26. Nu Mangngaivung	Rs.	100
27. Nu Nemzavah	Rs.	500
28. Upanu Pauli	Rs.	100
29. Mami	Rs.	100
30. Donneivung	Rs.	200
31. P. Thangkhanmang	Rs.	300
32. Nh. Manhoikim	Rs.	50
33. Nh. Nianghoiching	Rs.	50
34. Niangneivah	Rs.	200
35. Nianneiching	Rs.	40
36. Niangdeiching	Rs.	100
37. T. Zamlianmang	Rs.	100
38. Hangkhansuan	Rs.	100

Adihlou um kate Office a ettuoah a suhdih theizing ahi.

Petu Zousie Mangpa'n hing guolzawl taken!!

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Tualzachin	22. Rev. (Rtd.) H. Nengzaton	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Kamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhou	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thanggingsuan	136. Evant. Bhim Prasad Ghatani

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07.		

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

To,
